

臨武縣志卷之三十四

列女志



詩共姜春秋紀叔姬所以勵閨貞表闡德馬班二史不傳列女誠缺典矣懷清臺之築偶見於貨殖觀其擅丹穴之利則巴寡婦固以貲顯而不聞以德著也中壘將軍劉更生彙集列女為一書大家班氏復有編輯晉范蔚宗作後漢書始祖其意采為一卷其後簪筆之家罔或遺之則烈婦貞女可以比於忠臣義士垂諸竹帛登之蘭臺石室也臨自有明以來暨

臨武縣志

卷之三十四

列女志一

國朝貞風勁節指不勝屈夫婦女深居閨奧目不識詩書耳不聞箴誡而飲冰茹蘖之苦割股截乳之愚撻鋒觸刃陷胸裂脰之慘冠帶鬚眉有時望而刼走而巾帨中能之殆有雜之古姬姜而不媿者可以風矣

志列女

曹家玉識

節孝

明

蘇氏名湘蘭蘇朝同女也年十四父病屢醫不痊湘蘭焚香割股以進父旋愈及適夫王某值翁姑復病

劇氏禱天長齋以祈全卒賴以安事翁姑皆年主八十曲致孝謹氏亦享年七十餘知縣楊學孔旌表之陳氏名槐姐鄺良驥之妻明經鄺世仍母也性溫順事翁姑能以禮姑嘗病疽不勝痛陳屢爲吮之得愈人尤以爲難宗族皆翕然稱焉年七十八卒有司屢旌其廬

李氏名中姑桂廷凰妻也廷凰籍本江右萬歷四十二年凰母鄧氏患痰疾將不起李隕泣憂悼聞有方得人乳肉可療遂心識之藝香告竈神因自割其一

臨武縣志

卷之三十四

列女志二

乳時昏仆無所知駭傾成市邑宰僚佐皆詣其廬命亟治之俄有僧踵門日以汝室中蘄艾傳之可愈果如其言而甦比求僧則不復見矣已乃取乳和藥奉姑姑竟賴以全事載明史列傳

陳氏曾顯爵妻年二十二顯爵歿母老子穉家益窶貧陳日以紡績給甘旨誓不再醮撫其子宗周成立爲博士弟子壽躋八十萬歷十一年詔旌其門

鄺氏彭友權妻年二十二友權死時鄺既有娠甫治葬畢越五日生男交林遂欠節育孤斷髮不再適文

林既長納婦陳生孫德隆二人文林並其妻陳忽相繼亡鄺復撫二孫如文林時已又爲完娶劇年八十五終守令皆聞而旌之

石氏名留貞廩生石刊彥女年十九適民王朝讓甫數年讓卒留貞矢志不復嫁晨夕侍姑旁執婦禮惟謹終身戚毀人未嘗覲其色笑事聞于朝詔給銀建坊旌之歲給帛麻銀二兩春秋皆頒胙復其徭役壽八十六終

鄺氏諸生王朝仰妻也朝仰契悟理學檢飭操履年

臨武縣志

卷之三十四

列女志三

三十早卒無嗣氏年二十九毀容矢節扃戶靜守足不踰庭闕績紡自贍蕭然茹苦益八十年如一日也臨終之夕命族子弟曰吾以未亡人苟存視息者歷五十三載旦而起處夕而衾影頗堪自問今始得奉先君子于地下矣言卒端然坐逝人以爲朝仰教家之感

蔣氏邑民王廷睿妻年二十有二而寡遺孤甫三齡翁猶在堂年耄而瞽壁立蕭然氏黽勉給養及事翁歿旣葬孤亦成立娶婦生兒垂四歲而子若孫復相

繼妖亡氏哀苦無藉紡績自食終無渝志其父蔣倫
屢勸之改適氏遂屏跡不復歸寧年六十卒族里咸
悼之

杜氏辰秀適石正道爲妻甫八月而正道歿無子氏
年十九哀號骨立幾以身殉自是釋粧毀容矢不再
醮年八十三終遺命葬于夫穴之傍崇禎間知縣楊
公學孔旌曰栢舟遺烈崑山徐公開禧復旌曰皎潔
冰清

皇清

臨武縣志

卷之三十四

列女志四

廖氏月秀文化鄉廖獻夫之女年十八適孝廉鄺祖
濂爲繼室四載無出萬歷庚子祖濂遘疾卒時廖年
二十二哀毀矢節凜如冰霜撫前妻駱氏子賢楨纔
十歲視若己生每課以力學丙夜猶自溫茗佐之及
賢楨長負時譽崇禎中以明經補定南縣尹遷維摩
州牧有惠聲亦克承慈訓也及順治末廖年八十餘
孫良炫考授學訓曾孫世培授石門令世基考授卹
倅子姓森森拜階下以廖春秋高皆不欲之官廖爲
感悅觀者咸以爲貞節報也康熙丙午年九十二終

縉紳競以節壽詩紀之

鄭氏榮姐孝廉祖禹女孫適諸生羅顯衮三載夫亡遺腹生子貴誨鄭矢志堅貞教其子補邑文學茹荼四十餘載順治丁酉病將革呼其子曰吾終身事今日畢矣遂瞑明縣令徐公開禧嘗給匾旌之

劉氏榮菊劉亨祥女年十六適胡薦朝子三及二十五而寡誓死靡他教諸孤嘉鼎嘉鼐皆列邑序卒年七十四知縣李振麟侯七鼎皆給匾旌之

王氏金秀王上和女年十八歸鄭賢梓三年而寡斷

歸武縣志

卷之二十四

列女志五

髮矢志撫姪良煦承夫祀督以學長遊邑序王冰操五十年終始如一有司優獎之順治丁酉卒

李氏賢貞諸生曾宏毅母也年十九歸曾甫六載而夫亡泣血矢志雖歷艱辛終弗渝時宏毅僅五齡卒以成立卒年七十四卒知縣徐開禧旌獎之

王氏翠女石雲登之妻諸生王上鵬之女也年十八歸雲登五載而寡時有兒如璜僅四齡王慟毀骨立幾殞家人以藐孤失育強慰之矢志節居孀撫如璜成立補諸生貢於鄉諸孫巖然環立嗜讀書氏曰吾無

以報地下今且死無憾矣苦節凡六十餘年有司屢詣廬旌獎之

陳氏陳薦女幼許字邑民鄺英義未適而英義患惡疾時女既長將于歸父特遲以待之女泣曰吾數也不可以貳卒歸鄺翁姑爲置別榻氏不聽爲夫揩拭瘡液無厭色越三月夫卒氏撫姪士梯爲夫嗣教督如所生及長補邑諸生知縣陳周政爲額其堂優獎之崇禎癸未年七十終

雷氏諸生王起俊妻也年二十八夫亡一女月玉甫

臨武縣志

卷之二十四

列女志六

七齡一子亮保方晬時姑文氏先夫歿與夫喪先後殞于庭崇禎末寇警猝至邑民震且走城內外閭然一空氏曰兩喪未瘞吾何愛一死乃號泣召族中子姓嫻家禮者卽日扶兩棺赴宅兆塋如禮始挈子女遁山澤中未幾兵寇絡繹至室廬灰燼崎嶇百憂雖饑寒交迫終無渝志亡何其子忽殤歿有勸改行者輒唾之尋遣其女歸諸生李開祥遂相依終老焉氏居李必別爲室歲時設夫位以祀平居每以女訓婦工勗其女故女於李藉藉稱賢婦外內悉無間言由

是里人益賢溫德後女生五男兩女氏先後覩諸外
孫之茂賓興晉興等補邑弟子員猶時訓彌之氏享
年九十無恙人以爲苦節之報云

李氏蓮女劉時遇妻也年十八歸劉時尊嫜已先亡
未幾劉兩目俱盲李扶掖承奉益謹越七載夫歿無
子李堅貞自矢業紡績不歸父母門苦操終身知縣
李振麟優獎之

廖氏回秀唐敬縉妻廖賓廷女也年二十五夫故遺
腹生子德璋廖冰心矢節歷五十年教子成立年七

臨武縣志

卷之二十四

列女志七

十三知縣吳從謙旌其門

文氏王上諧妻文汝能之女年十八適諧諧患瘋狂
越三年而殞無子家益貧文以縫績事翁姑及翁姑
歿鬻衣衾以殯孀居五十餘年邑令屢優恤之

文氏夏蘭文敬圭之女年十八適里民劉亨兆生子
日時取甫匝歲而夫歿文慟悼幾絕矢志自守家貧
傭績以贍朝夕雖極寒餒意終無對望子迄于成立
享年七十餘時諸孫羅列怡然聚慶邑人以爲孀節
之報

鄧氏鄺士聰妻孝廉鄧學思女孫也年二十四夫亡矢志弗易值兵炬逼作竄伏林藪間誓死全節寡居五十餘年邑人稱之

廖氏鑾一都民黃得之妻歸得七月而寡無出家貧甚唯業紡績以自給有諷之再適者輒唾其面年八十餘卒

劉氏名官蘭適南隅民胡鹿鳴年二十四夫亡遺孤快堯甫三齡氏矢栢舟歷諸艱無異志撫其子成立娶婦生兒而快堯又早卒氏依寡媳曾及孤孫以終

臨武縣志

卷之二十四

列女志八

老年六十九。曾氏福蓮卽劉氏媳也年二十歸胡快堯五載而夫亡遺孤舜謨呱呱襁褓間竭意鞠撫吞聲飲泣以曲致姑懽迄於送死及舜謨旣長納室文氏未幾復妖曾泣慰文曰汝服闋時任擇杖而棲勿以我念與之連枕而寢响濡不少離篤於慈母文益懷之冰霜俱厲荼苦况瘁備極凶喪孀居凡四十年前令李公振麟旌扁曰兩輩貞節。○文氏名

閨王胡舜謨之妻劉之孫婦曾之兒婦也年十八歸夫歿無嗣文慟絕將與俱殞以姑熒子無所

藉忍死誓節與姑勤紡績共操作尤極相愛憐承事
惟謹足不踰閭閻雖歸寧弗及也前儒學鄭君方叔
旌以聯曰三世冰操一門節孝

雷氏王榮年十八適文化鄉儒士陳才昱舉止莊嘿
始歸時見夫檢閱緹帙輒溫茗以佐其宵讀嘗勸之
離家肄學才昱深然之距朞年而才昱歿氏截髮毀
容誓無異志自是絕言笑茹蔬糲足不踰壺閫蓋三
十餘年如一日也鄉里莫不賢之

鄧氏雷姐邑儒童鄺世均妻年十九適鄺甫四載而

臨武縣志

卷之十四

列女志九

世均物故無子嗣服闋有迫之改字者曰汝何所守
氏觸首於地曰吾自守吾志耳越明日則截髮爲尼
裝矣孀居四十餘年皆績紡自贍云

王氏菊女諸生盧祖垣妻也年十九歸祖垣二十四
而祖垣亡生子堯銘方兩朞一女方晬氏以夫攻苦
共燈齋志以歿悲慟不欲生時翁姑俱在堂交喻以
撫孤卽可報夫捐生無益也氏勉承尊旨啜泣鞠育
遭時擾攘脩歷險巇終無渝志年七十餘邑侯趙嘗
賜額旌異之

劉氏金秀年十九適東隅民羅顯上生男彩貴僅半歲而顯上早世氏矢節不再醮鞠孤成立毀粧茹苦爲邑里所矜嘆前令君徐李皆嘗旌扁之年八旬餘子姪以繁衍著云

黃氏桂姐適東隅民羅顯閣閣歿無子氏義不獨生水漿不入口者三日夕投環者再家人徬徨不知所出令其撫夫族羅氏子爲後氏勉從之年逾六旬有諸孫羅列階除云

蔣氏王士明妻也年及笄來歸嘗解簪珥佐夫力學

臨武縣志

卷之二十四

列女志十

亡何士明以疾卒遺孤雲龍甫三齡時氏年二十餘呼天口所不從地下者以此藐孤故耳治葬畢毀容敝服拮据家政撫雲龍就傅卒成諸生寡居凡六十載氏以耄年皤髮復覩諸孫絃誦盈室人以爲孀節之報

劉氏適東隅民胡祺慶年二十三夫亡矢志撫孤遭時多故崎嶇百險爲丈夫男子所不克堪者氏顧怡然自全於劫燹中終無異志歷數十載苦節森然蕭氏家世故禾邑籍年十五歸羅顯位明年生子垣

貴甫一月而夫亡絕粒維經家人屢掇之以老姑稚子相解慰姑病痿飲啜溲溺皆待氏而動終無懟苦色家貧資績紡以代樵汲備極荼苦撫孤旣成而中折復鞠幼孫恃以終老族人莫不矜之

劉氏金三鄉劉時高之女適夫鄺朝梅三載夫亡遺孤僅半歲朝梅屬續之夕囑其妻曰汝從一之志吾所夙知第堂有老母襁有幼雛無同懷兄弟之親吾破慮有不哀吾喪者汝姑勿哭以聞於人輒速歛束納棺中而後舉哀事必親歷勿任人麾指浹辰之內

臨武縣志

卷之二十四

列女志十一

當擇吉瘞祖塋側謹事吾母以成此藐孤吾瞑日泉下矣氏皆一一如其言事姑益謹尋終喪致塋撫兒成立苦節數十年以終志云

史氏羅顯魁妻也年十九適魁明年夫亡遺腹生子夫貴氏莊謹有德容年二十輒矢冰霜晨夕績紡以自贍育孤成立以迄婚娶生長艱辛脩誌節怡然年逾八十其子先以疾歿復鞠孤孫以終老焉

李氏諸生李良翰女也生而端凝稍長輒言笑不苟父鍾愛焉爲擇配得彭氏子宗禹喜其穎異許字之

及笄于歸甫四載而宗禹亡氏過勤幾不欲生遺爾
雛長曰年次曰齡俱幼禹頗遺腴產同室耽耽多藉
故凌轍之氏吞聲茹恨槩置不校惟督二子就外傳
攻苦率蒼頭力耕侍女操作井井如平日門戶賴以
不墜後長子年旣冠補弟子員有才名楊邑侯學孔
會旌之曰畫荻遺風氏年七十終閭黨至今稱之

廖氏三藍故家女也少歸平田鄉盧氏名光祖者氏
年二十二而光祖亡生子堯文方在抱時丁明末寇
盜蜂起繼以鼎革戎馬絡繹村居當孔道衆咸捐廬

臨武縣志

卷之二十四

列女志十二

含遠竄氏亦攜孤逐周親遁匿山谷已而搜牢四出
風鶴日警或有勸之改適且以全孤氏曰予家世簪
履頗聞從一之訓今爲盧氏一塊肉忍死至此吉凶
非所計也事平得還里孤亦成立能詩書氏年六十
冰操如一日前邑侯趙學溥鄭俱表其廬云

劉氏金三鄉劉時行之女幼失怙恃字於羅貴連及
來歸則舅姑俱亡家徒壁立氏執婦禮惟謹無所怨
懷生子方兩朞而夫歿時氏年二十四號慟絕食者
數日願以死從妯娌強慰之自是以女工給朝夕至

貧或不能舉炊嚴冬沍寒紵絮不具氏終泊然無二志也六十五終
譚氏劉以亨之妻氏年二十五而以亨歿家故貧值歲旱粟踊騰擴不能自贍氏凜然無異操間有假貸輒先以奉翁姑隣里咸義之撫諸孤迄于成蕭條猶故也孀居四十餘載氏年六十七終

曾氏王如鑾一鄉黃有述妻也氏年二十四而有述亡遺腹未產有述鮮兄弟惟母蔣在堂氏泣曰天不絕黃氏俛遺一綫庶老姑不致失所依也及媿果得男氏遂決志鞠孤事姑嫜養葬俱如禮能以志終云

臨武縣志

卷之三十四

列女志十三

鄧氏招蓮年二十適平田鄉賀祖璉甫三載璉故遺孤德鳳方及晬氏食貧矢節歷諸艱無有渝志撫其子成立以奉宗祧鄉人以爲苦節之報

周氏文化鄉鄺得選妻也適鄺未幾而選亡氏年二十二遺腹產一子氏且悲且喜焚香以告夫靈遂矢志靡他時值喪亂流離竄徙不可言氏冰操嶽然年六十餘以壽終

唐氏鑿一鄉里民黃廷軒妻也歸黃甫數葺廷軒蚤卽世遺三孤皆次第於懷綳攜挈間氏年二十六矢

志鞠撫脩歷艱窶時烽炬數警人搖搖無所託氏處
窟匿中猶靜自檢束凝然絕訾笑筠節松心卒之諸
孤旣立阿孫輩起氏以耄齡顧盼徜徉喜可知也年
七十八終便江李樸大有詩挽之見藝文

何氏適文化鄉周齊賢事翁姑能執婦道年二十四
齊賢病卒遺二孤俱幼氏節哀以慰高堂食貧撫孤
未幾翁始相繼歿氏鬻產求廬學公地附葬焉語人
曰吾不惜斥產爲兩尊人計者亦兼爲二雛地也人
咸嘆服焉年七十五終

臨武縣志

卷之三十四

列女志十四

李氏適文化鄉鄧顯聰氏年二十七顯聰亡僅遺二
女氏泣曰夫雖乏嗣有兩女亦不索寔身後矣遂堅
志自守長女適陳氏生外孫文基蜚英庠序間次女
留姐適鄺亦節婦也別有傳人以爲母女雙節

譚氏適文化鄉李世甲未育而世甲亡氏哭曰未亡
人不卽同穴者以有遺娠也倘生男賴以不墜已而
果產男自是毀容忍慟一意鞠孤雖蕭然壁立衣食
不繼終始一轍也年八十終

廖氏文化鄉鄧顯守妻年十八歸鄧五載而顯守亡

遺男朝傑甫三齡家故窶甚氏績紡育孤同室有強
之再醮者氏奔還母家截髮以見志冰節皦然數十
年如一日云

李氏金娥東隅里民杜宗台妻也年及笄歸杜氏端
謹尤嫻內則及宗台歿氏年二十六矢志從一雖值
時紘擾艱危舛結氏益凜冰霜撫三孤次第成立年
七十子姓振繩猶是風範屹然也邑侯李公振麟及
署篆楊皆旌扁之
李氏初玉適杜宗台第三子
名祖鍾者年二十一來歸甫四閱月而夫亡氏誓以

臨武縣志

卷之三十四

列女志十五

死殉以有遺娠勉待之及產果得兒氏遂輟泣一意
鞠孤雅與孀姑志合相依爲命學博鄭方叔給扁旌
之口冰操表俗

劉氏適儒生鄺士萃爲妻氏凝靜簡默善事翁姑年
二十七夫歿矢節不再醮寒燈孤幃茹荼飲泣垂四
十三年意泊然如一日也其翁諸生載義且歷百歲
氏亦以七旬之年晨夕甘旨曲承其權不少衰族人
莫不嘉之

李氏年十八適文化鄉鄺性德四載而夫亡已而所

遺孤雛亦復夭折氏慟絕欲從地下有強解之者乃撫兒立夫後告墓命名歲時必挈兒往具祭如是者五十餘載里族皆賢之

龍氏南隅里民胡鳴楚妻也氏年二十有二而鳴楚物故撫兩孤兒值時變遷挈負竄徙中艱辛百折衣笥舊物槩無所惜惟兩兒隕越甚慮矢操松筠卒獲安全人服其才節氏年垂八十守志四十餘載學博董旌曰貞志可風

周氏適文化鄉里民鄧尙微爲室氏年二十六而寡撫幼孤顯位歲纔三週耳里有妯姆知其貧諷之改適且爲富家子通意氏扃戶拒之茹苦拮据終無所惜其子卒賴以成諸孫輩列奉食問寢雍然一室氏享年九十有七鄉里咸羨之誠苦節之報云

陶氏適金三鄉里民唐德明年二十有七遽舉五子而德明物故家故豐於貲產經理紛紜內外咸出氏手鞠育諸孤延師課業卒以成立孀居五十八載子姓列宮墻者次第森然人咸欽爲氏所貽云

鄧氏適東隅羅璇貴亡何璇貴寢疾度不起時氏年

二十已有娠自指其懷泣曰吾誓與君同穴若以先人之靈俾不廢祀當力植其成夫深然之及夫歿產遺腹子聯芳氏忍泣鞠撫迄於成立聯芳後補弟子員生四子氏猶及見也年六十四終

王氏里民王家瑾之女諸生鄺世珏妻也年及笄歸鄺越七載夫歿氏矢操不再適撫孤及亂復歿人或勸之曰汝於鄺氏更無所望晚將安託氏謝曰生為人婦死且隨之不失舊偶彼恣意改醮者吾不知其泉下笑所適從乎人以爲名言氏卒守志以終老云

臨武縣志

卷之三十四

列女志十七

何氏王菊年十六適東隅民羅從貴歷八年氏無所出屢勸其夫置側室從貴猶未決氏曰勿以妾非真懷卽年陷君不克延先緒咎將誰識遂分榻處別壺夫乃納妾越明年舉子氏忻然啣護視同己出未幾夫以疾卒氏絕食不欲生其娣姒解之曰使羅氏不墜宗祧者汝實主之在今日仍宜以藐孤爲念氏以爲然乃益竭意鞠撫自是每慰留其妾相與終志族人至今咸誦其德云 以上舊志

石氏鄺顯聲妻年十七歸鄺未三載夫卒氏蓬首垢

面苦節數十年如一日事翁及繼姑紡績終養喪葬如禮雍正間祀節孝祠

唐氏黃道發妻年二十七夫故遺男遵孟甫五齡撫之成立奉孀姑二十餘年以節孝聞乾隆二年旌雷氏嫦娥庠生雷紹先女平田鄉王壽昌妻也年二十三壽昌歿無子氏以死殉者再姑防之密乃撫姪爲嗣事七旬老母以紡績供甘旨乾隆七年旌鄺氏李繼紳妻年二十二繼紳歿無子斷髮毀容撫姪子俊爲夫後姑陳氏年八十餘事之益謹守節三

臨武縣志

卷之三十四

列女志十八

十餘年乾隆十七年旌

蔣氏臨武人適桂陽州譚附鳳附鳳歿氏年二十五幼子尙在襁褓絕粒七日不死遂灌園紡績苦志守節乾隆十八年旌

以上五人舊載省志

陳氏鳳嬌陳文善女西隅周承旦妻也年二十一歸周四載夫故生子未及二齡家清貧氏撫孤兒宵旦紡績以供養孀姑姑歿喪葬如禮諸艱備歷延師教孤宗濂補弟子員孫純禧由邑庠貢入成均氏年八

十一乾隆壬子邑令鳳通詳請 旌奉

旨給銀建坊入祀節孝祠

鄭氏李志昌妻名初華年二十二夫故氏一痛幾絕
以身殉者再遺男光禹甫二齡女未及周舅姑諭以
撫孤責重乃飲泣吞聲仰事俯育備歷艱辛乾隆五
十七年旌

李氏庠生鄭崇治妻生子希模甫四齡夫遂物故氏
矢志守節鞠育孤兒俾成立年七十九而卒○文氏
鄭希模妻卽李氏媳也年二十一歸希模僅數月夫

臨武縣志

卷之二十四

列女志十九

亡氏誓不欲生慟念孀姑垂老節哀奉養撫胞姪兆
璽承祧目睹四代卒年八十三 采訪鄭大綱

熊氏南隅熊公立女年十七適儒童陳緯才越五載
而寡老翁在堂僅遺薄田三畝有逼之改醮者氏截
髮毀容躬操作以佐甘旨燈下紡績課孤讀書計以
籌午夜弗懈苦節五十二年子起元暨孫曾輩皆有
聲庠序人以爲苦節之報 采訪陳昌言

陳氏端枝廩生陳俊儒女適東隅儒士王介圭生子
大喜年二十七介圭物故時舅逝姑老夫弟俱幼氏

飲泣承歡以一身支撐家務脩極勤勞延師課子大喜弱齡遊泮年七十三卒諸孫曾輩噪聲藝林騰芳廖

黃氏新枝文化鄉黃光祿女年十八適同里儒童李光煌越四載而光煌不祿氏矢不欲生翁姑為曲慰之已乃撫夫兄子花香為嗣菽水奉親斷機教兒肆花香弱冠補弟子員諸孫曾輩先後采芹名噪藝苑前令楊額以榮稱家督卒年七十四采訪廖騰芳 龐氏月嬌東隅羅代基妻年二十五遭夫喪氏痛夫客死矢不獨生姑為解曰天未厭羅遺腹其可植乎

歸武縣志

卷之三十四

列女志二十

晚後得子本乾因強節哀操作以脩甘旨本乾稍長迪以詩書遂蜚聲黌序采訪胡光塵

李氏明玉嘉邑李姓女年二十適鑾一鄉黃金任五月夫故遺娠生男玉璽家貧僅田三畝氏矢志守節紡績營生奉姑脩極愛敬撫孤成立為配周氏女育孫二人而玉璽復歿氏復與孀媳顧復之長孫孔陽列歲薦曾孫輩亦廁諸生人以為節孝所致采訪周鳳翥 黃氏福芝貝溪儒士胡生琥妻幼嫻姆訓習內則年二十一歸胡越八載而夫故時以孀姑在堂子幼不

能奉養廼破涕承顏躬紡績以供甘旨曲得其歡心
九熊晝荻勞以成愛厥子紹宗以明經需次銓曹爲
柳桂間知名士 采訪杜方陵

白氏金三鄉唐興禮妻閨名招容生一子甫周齡而
興禮病故氏年纔二十一冰雪心肝誓無他志菽水
奉親之暇訓孤兒以經肆其子現鰲弱冠遊泮孫曾
森森傑出 采訪支鴻

鍾氏平田鄉王國新妻也閨名壽鳳年二十歸王生
子德芹未及再周國新遂卽世孀姑在堂氏忍痛承

臨武縣志

卷之三十四

列女志二十一

奉撫藐孤教養備至卒年八十目覩孫曾林立人以
爲節孝之報 采訪劉玉清

杜氏堂菊城南杜家女年二十適金三鄉黃以良甫
四載而夫故哀慘幾不欲生先是氏夫以良出繼胞
叔思祁以良既歿氏年少無子或勸之改適氏曰二
三其德未亡人誠不忍聞况夫爲人承嗣而我爲人
絕嗣可乎遂毀容屏沐厲志靡他撫夫兄子順梓爲
後恩勤鞠育至於成人孀居三十年而歿 采訪杜方
羅氏娥的南隅胡生學妻年二十七夫故矢志栢舟

撫子承先祀事孀姑恂恂無違禮卒年七十五邑令杜額之曰氣貫金石

采訪胡光璧

鄭氏雪娥鄭良伊女年二十四適文化鄉陳秀翰逾年而夫下世越五月產遺腹子英姜撫育殷勤姑病瘋臥床十一載竭力供奉始終不懈年七十有三子姓林立

采訪陳昌言

胡氏夏雲文化鄉鄭祥鉅妻歸鄭甫三載祥鉅病故氏年二十二歲歔歔泣血寒燈孤影歷久不渝後乃撫猶子凝忠承夫祧脩致恩勤敬養舅姑尤爲周摯

臨武縣志

卷之三十四

列女志二十二

族里中咸嘖嘖稱之年五十四卒

采訪鄭大綱

胡氏新嬌年及笄適北隅監生蘇學禮事翁姑曲盡婦道年二十九學禮物故家貧子幼姑又衰老氏勤紡績生則甘旨是奉歿則喪葬無違邑令楊聞而褒之曰節孝可風

采訪李光天

鄭氏北隅李光仁妻庠生李世榮母也年二十七光仁病故世榮甫周齡呱呱在抱氏含涕撫育家貧姑老甘旨無措勤女紅以奉高堂孤稍長延師督課卒成諸生現年七十有五

采訪杜方陵

周氏昭昭年十九歸鑿一鄉黃遵王為妻連生二女
一子年二十七夫故僅遺荒田二畝未幾子復妖絕
氏一意守貞吞聲飲泣之死靡他現年七十四采訪周承倚
厲氏黃光霏妻生子道經年二十七慘罹破鏡氏哀
毀孀居紡績自給舅姑在堂菽水承歡舅歿事姑十
餘年孝養不衰采訪廖騰芳

鄺氏愛文平田鄉駱聖潔妻也于歸時溫恭淑慎年
二十七夫故氏截髮長號無心乞活鄰戚慰解乃慷
慨矢志家極窘姑憐其青年諷之改醮堅不允躬樵

臨武縣志

卷之二十四

列女志二十三

汲以奉甘旨苦節垂四十餘年

采訪鄺大繩

杜氏年十九適文化鄉鄺錫祥閱六載錫祥身故室
如懸磬又無嗣息氏年甫二十五歲慨然以冰霜自
勵且曰可使吾夫為伯道耶撫猶子以承祀備致恩
勤現年六十有七中外咸無間言采訪周承倚

胡氏東隅胡中成女年二十于歸本隅羅昌平為室
二十三夫逝氏勵念孀姑衰老誓不改醮日勤十指
以供膳羞後翁姑相繼亡氏披麻執杖喪葬如禮嘉
慶丁卯歲邑侯宋公潢旌以慈藷貞柏采訪胡光

雷氏梅枝平田鄉雷遠尚女年二十適同里譚昌翼
爲室詰禱八載昌翼病故時翁姑並在氏痛奉侍無
人拭淚承歡養生送死備極勞勤撫子承夫祧婚娶
生孫而子復妖氏復偕其孀媳卵翼之恩勤並著現
年六十有四

鄭氏西隅駱聖緒妻閨名賤鳳年十九歸駱九載而
夫故無子氏矢志奉養舅姑生事死葬無違禮養夫
姪連登爲嗣愛勞備至肆連登早歲入上舍現年六
十有一

歸武縣志

卷之二十四

列女志二十四

雷氏銀枝平田鄉雷學詩女年及笄適同里七甲賀
堯璜逾八載夫逝遺孤孀臣僅九月時阿翁年已六
旬未幾亦故雙柩在堂同時發殯附棺附身悉合禮
數家清貧勤十指以鞠育孤雛冰雪盟心者數十年
李氏鳳娥李光文女未字時父傷酒臥病一年服勞
不懈甫及笄適金三鄉儒童賀義選生子堯典年二
十六夫故茹冰嚙蘖卵翼孤兒時二親衰憊多病氏
竭方奉養勞瘁成疾垂老未愈

周氏鑿一鄉周文熙女適同鄉蔣詩麟生一子一女

年二十四而寡時已不及事翁姑夫孀劉氏孀居月
盥漱奉承如姑禮教二子皆卓立有成 采訪廖騰芳

劉氏金三鄉劉富壁女閨名救紅及笄歸儒童唐宗
惠生子二夫歿氏年二十七忍饑操作俯育稚子仰
奉翁姑翁歿事姑二十年湯藥必躬親不分勞於子
媳延師課孤長子冠賢弱齡遊泮餼於庠 采訪劉玉清

鄭氏鳳華原任新化把總鄭敬琮女年二十適北隅
曾德棟逾六載而夫亡遺孤僅三齡氏矢志鞠育翁
姑在堂孝順惟謹家終窶紡績自給撫孤成立爲之

臨武縣志

卷之三十四

列女志二十五

婚娶生一子而子復歿氏攜媳撫養孫女哀苦屏跡
足不踰庭闈現年五十六歲 采訪杜方陵

王氏東隅杜志冲妻年二十一于歸杜門時翁已故
衰姑鄭氏雙目雲翳氏至旦夕奉侍洗以盥水日漸
明人以爲孝感所致未幾姑歿夫亦繼亡氏年方二
十四雙棺在寢血淚未乾越三月產遺腹子撫育孤
兒安厝夫姑悉如禮孤年十五復歿氏刻志死守紡
績營生聞者莫不欷歔 采訪杜方陵

林氏潤鳳宜邑林祖舜女年十七適文化鄉監生李

顯林生三子而顯林郎世氏不忍以一死自謝迺雪涕茹哀養姑育子躬操家務備極勤劬延師課孤以繼夫志子高慧高憲咸噪聲膠序松堅竹勁垂二十餘年如一日現年五十三歲

采訪周承倚

鄭氏松嬌幼許字東隅杜友松後友松家窶綵幣禮缺不克親迎氏日前定也不可以貳年三十四卒歸杜至則鬻奩具以自贍未幾夫亡繡織自營終歲勤動數十年無異志

采訪杜方陵

李氏庠生李魁女也閨名初青年二十一于歸庠生

臨武縣志

卷之二十四

列女志二十六

鄭新生子祥秀未周一歲夫病故家徒四壁氏忍饑操作寒紡暑績以供翁姑鞠幼子孀居三十餘年如

一日

采訪劉大綱

黃氏林英素嫺姆訓年二十歸金三鄉太學孫朝輔二十八而夫即世氏以舅姑衰老二子一女呱呱在

抱乃雪涕茹哀柏舟自矢仰事俯育俾朝輔無身後憂課孤嚴明長子榮燿弱冠遊庠現年五十有一

采訪友鴻

杜氏賢松貢生杜成玠女儒童鄭兆錦妻年二十五爲未亡人時孀始年逾五旬氏痛無人奉養拭淚承

歡已乃擇堂姪祥俊承夫嗣教養有道姑歿喪祭無
違禮 采訪鄭大綱

李氏桂華生員李顯賢女也年二十適黃道里甫三
載夫故絕粒數日不死已乃撫夫兄道甲子尊行承
天祧未幾道甲夫婦俱世氏教育諸孤姪一如已出
時翁老且病氏率子姪奉養維勤年八十二卒前邑
侯賈額以節操凌霜 采訪周承倚

羅氏淑的邑庠生羅大穎女性貞靜箴誠夙嫻年二
十適文化鄉鄺希麒二十八希麒身故遺男兆球甫

臨武縣志

卷之三十四

列女二十七

數齡家貧子穉翁姑俱老氏紡績經營以仰事俯育
迨後翁姑相繼歿喪葬如禮未幾子復妖亡氏痛夫
無嗣乃撫胞姪兆志承祧苦守五十餘載備極辛勞
卒年八十有三 采訪杜方陵

何氏文化鄉鄺崇瑋之妻年二十一歸鄺六載而崇
瑋病故氏奮志守節承奉翁姑曲盡婦道乳育孤兒
俾成立年五十八而終 采訪杜方陵

陳氏榮華年及笄歸鑾一都黃孔潔二十七夫故遺
子甫一歲孀姑在堂氏矢志奉養明年子妖姑憐其

年少無嗣勸之嫁氏泣曰媳去姑何所依茹葉死守事所甘心乃剪紡績以奉甘旨姑病侍湯藥衣不解帶者月餘及卒鬻奩具以營葬現年五十四歲

採訪廖騰芳

鄧氏慧容年二十歸東隅羅代功為妻二十八夫故遺男純忠純孝俱幼釋翁姑在堂管侍維勤炎寒紡織以佐甘旨孤兒稍長即延師訓課純忠早歲遊邑庠純孝以歲薦貢入成均邑侯胡旌以勁節流芳年八十六而終

採訪鄺大綱

曾氏年二十一適北隅儒童龍耀輝次年生子自祥

臨武縣志

卷之三十四

列女二十八

未一周而夫故氏痛夫家九代單傳以保世延嗣為已任教養婚娶子復生孫事衰姑曾氏尤極孝敬孀居六十餘年而卒

採訪杜方陵

李氏鑾四都周上惠妻也年二十四適周二十八而夫故奉養翁姑至死不懈孤子承洋復早見背與孀媳厲氏相依為命紡績自贍撫育孤孫延晞俾成立年八十二而終

採訪周鳳翥

鄧氏仁鳳年十九歸文六都文俊雲二十四夫故氏盟心栢舟誓不二適撫夫弟冠英之子學傑以延先

祀二老在堂晨昏奉事惟謹撫孤成立子復生孫現年七十二歲采訪杜方陵

龍氏鑾四都周承德妻年二十三歸周明年承德身故代夫養親躬紡績以自給之死靡他植遺腹子延緜教養婚配蘭苗其芽現年六十有七采訪周鳳翥

曾氏文二都鄺祥鑰妻年二十一夫故家貧無嗣伯叔俱故翁老姑瞽膝下惟氏一人紡績奉養久而不變後翁姑卽世欲售住宅以爲殮具尸老哀憐俾全做廬以完所守現年五十有六采訪鄺大綱

臨武縣志

卷之三十四

列女二十九

王氏留容年十七適平田鄉鄧彥榜爲妻越十載夫故氏哀慄骨立時姑年六旬遺男祖高僅四歲氏不忍以一死塞責乃雪涕吞聲奉姑育子孝慈兼致荼苦備嘗政督嚴明孤子祖高弱冠遊庠序現年四十四有六采訪李光天

黃氏鑾四都周承聖妻也年二十七夫故矢無他志竭力養親舉遺腹子延通教養婚配俾克成立子復生孫卒年五十九采訪周鳳翥

蕭氏昭音鑾一鄉黃滿芳妻年二十適黃逾四載而

孺身故竭力養親始終不懈遺孤啟輝撫養成立延
師訓課得入泮宮現年五十六歲 采訪周鳳翥

劉氏秋蘭年十九歸巷溪周紹宜爲妻琴調十年而夫
捐館舍遺二子一女氏松筠自矢茹辛咀苦者五十
餘年課孫曰昌早歲蜚聲黌序前學使阮旌之曰
德水清 采訪廖騰芳

陳氏喜文北隅庠生王鼎妻也年二十歸王甫六載鼎
遂物故氏堅貞自矢居貧食淡勤紡績以奉翁姑已
乃撫猶子承夫祀以養以教平居言笑不苟足不踰

臨武縣志

卷之三十四

列女三十

戶庭者垂五十年如一日現年七十六歲 采訪胡光聲

烈婦

明

鄭氏鄭彥知之女年十九適民杜彥祥五年而祥故姑憐其少命之再字普不從天順四年僮賊來寇鄭從姑避難於舜峰巔未至壘爲賊所執欲污之鄭以死拒厲罵不輟遂見殺賊裂其屍有司請於院特立貞烈祠祀之

艾氏平田鄉艾仲隆之女早適燕溪周氏及歸寧父家遇僮僮來寇被執將逼之厲罵不屈賊怒遂支解之

臨武縣志

卷之三十四

烈婦志三一

何氏明經卿抱義妻也崇禎癸未之亂何爲賊所執將逼之時何垢面蓬髮紿以病疫賊懼而釋之及賊退衆人咸爲何喜何泣曰平昔謁拜伯叔猶赭顏汗發今匿身不固致以面目示賊徒牽臂引裾雖苟免汚辱已如落廁之人滌以純灰終有穢臭奈何猶爲吾譽耶竟憤志不食死一時紳士咸高其節競以詩弔之事載明史列傳

羅氏羅文翼女也適鄉民卿士仰二年而寡遂堅貞自守撫夫姪朝清爲夫後止遺一女及長適諸生王敷

未幾女亡氏矢志愈堅前縣令謝嘉賓旌匾曰勁節凌霜順治己丑有遊兵經其鄉執羅將汚之罵不絕口嚼舌嚙之遂遇害

蔣氏名招玉諸生蔣良臣之女年十六適東隅王士推歲方期值世擾攘避居於南富三峯嶺順治己丑游卒經其鄉搜牢得之抽刃見迫氏矯首詈詬不屈卒斫之裂其尸焉

龍氏名青姐適東隅儒童羅貴華避兵於文化鄉六都時烽火數驚氏泣曰倘罹不測當以死自期及順治

臨武縣志

卷之二十四

烈女志三十一

壬辰爲游卒所掠其夫先就繫將迫氏汚之氏以頭觸刃抵地堅不從夫泣曰勢至此汝且惜生氏瞑目曰死則死耳丈夫安得有是言俄而其主帥至鞭掠者氏竟得釋越明年夫入郟赴童子試以疾卒於塗氏聞之搏膺曰吾今見阿夫於地下矣遂扃戶自經死

貞女 烈女

羅氏金秀羅文清女幼許字黃義朝未嫁而夫亡時金秀年十六聞訃匍匐歸夫喪慟哭絕而復甦父感其

哀死亦不能禁尋復終三年服閉居深閨苦節自矢
事聞於朝詔歲給帛麻銀貳兩復其家崇禎癸未年
八十五終立祠祀焉

陳氏三貞縣民陳士良女居金三鄉去治丁巳年徭賊
來敎執三貞欲汚之脅以刃不從遂觸刃而死時年
十八

黃氏年貞鑿一鄉黃彥簡之女嘉靖間許字小灣唐孝
禹之子順朋爲妻順朋病痿痺不能娶有億生陳濟
者謀奪爲子婦以計厚誘之彥簡力持不可濟輒訟

臨武縣志

卷之三十四

烈女志三十三

三十一

於州事下邑訊濟引其同庠匪黨分爲媒證固爭之
至者疑彥簡之寒盟也真之三木令女出始釋年貞
聞之痛幾絕曰以我故陷父於極刑不可以爲人女
棄已成之盟而更從人不可以爲人妻乃櫛沐更衣
自刎死時年十八事聞邑令大驚乃始知濟之奸窮
治之與其黨三人皆褫焉撫院楊巡按荀巡道張共
旌之曰孝烈命給庫金八兩葬於西塘舖龍江官路
之傍有烈女坊存時嘉靖丙寅六月也

會女名順文南隅曾良驥女性質聰慧舉止端凝爲父

母所鍾愛幼許字文化鄉鄺希蘇之子兆煥年甫及笄冰泮有待而鄺氏子以疾卒女聞訃痛哭倒地絕食者四五慟定欲往鄺氏終喪守志家人止之自是毀容變服坐臥一室非父母命足不踰戶庭同堂伯叔昆季有不得一面者侍父母依依孺慕至於姑嫜則歲時遣人餽問不絕年五十四卒邑貢士陳清爲傳其事

曾女名冰青南隅庠生曾思孔女也生而端慧爲外祖李晉與所鍾愛幼許字鄺許文將于歸而鄺卒女聞

臨武縣志

卷之三十四

烈女志三十四

訃一庸幾絕卽服衰絰往鄺守制父母勸之曰汝能守貞家居一也何必夫家女隨將奩具盡散之諸姑姊服衰三年歲時親製履襪將送舅姑自毀其形首如飛蓬居父母家十年以疾終於閨時年三十邑學博張公題曰貞淑乾隆十一年知縣高自位旌曰允堪女宗拔貢湖北宜城知縣雷廷珪外祖辰州府教授李晉與皆誌銘其墓伯父貢生曾錫疇作貞女篇詩載藝文

劉女名芳閨西隅駱光疇之聘妻年十八將于歸而光

瞻先故女聞之泣日一與之醮終身不改今若此其
可以戴乎廼服衰經適駱門以守夫制端居靜室足
不出門舅姑深憐其志女矢死不二方欲繼嗣以延
夫祀逾十三載而卒

續列女

貞女蕭氏

父名無考

劉氏

父名無考

曾氏思孔女

曾氏曾良驥女

臨武縣志

卷之三十四

續列女三十五

節婦劉氏胡三及妻

雷氏陳才昱妻

李氏鄧顯聰妻

王氏庠生盧祖垣妻

劉氏羅顯上妻

黃氏羅顯閣妻

蔣氏王士明妻

史氏羅顯魁妻

李氏彭宗禹妻

蕭氏羅顯位妻

劉氏鄺朝梅妻

廖氏盧光祖妻

鄺氏庠生羅顯袞妻

王氏鄺賢梓妻

李氏庠生曾宏毅母

王氏石雲登妻

廖氏黃昇妻

劉氏羅貴連妻

劉氏胡鹿鳴妻

曾氏胡快堯妻

文氏胡舜謨妻

唐氏黃廷軒妻

周氏鄧尙微妻

廖氏舉人鄺祖濂妻

譚氏劉久享妻

曾氏黃有述妻

鄧氏賀祖連妻

周氏鄺德選妻

何氏周齊賢妻

譚氏李世甲妻

廖氏鄧顯守妻

李氏杜宗堃妻

李氏杜祖鍾妻

劉氏胡祺慶妻

劉氏鄺士萃妻

李氏鄺性德妻

臨武縣志

卷之三十四

續列女三十六

龍氏胡鳴楚妻

鄧氏羅璇貴妻

王氏庠生鄺世珏妻

雷氏庠生王起俊妻

廖氏唐敬縉妻

文氏王上諧妻

文氏劉享兆妻

鄧氏鄺士聰妻

鄧氏鄺世均妻

李氏劉時遇妻

何氏羅從貴妻

陶氏唐德明妻

李氏庠生鄺崇治妻

文氏鄺希謨妻

陳氏王介圭妻

黃氏李光煌妻

鍾氏王國新妻

杜氏黃以良妻

羅氏胡生學妻

胡氏鄺祥鉅妻

李氏黃道里妻

羅氏鄺希麒妻

何氏鄺崇璣妻

鄧氏羅代功妻

曾氏龍耀輝妻

李氏周上惠妻

黃氏周承聖妻

熊氏陳緯才妻

鄺氏駱聖潔妻

李氏庠生鄺新妻

鄺氏陳秀翰妻

鄺氏李光仁妻

周氏黃遵玉妻

杜氏鄺錫祥妻

雷氏譚昌翼妻

鄺氏駱聖緒妻

臨武縣志

卷之三十四

續列女二十七

鄺氏曾傳棟妻

林氏監生李顯林妻

黃氏監生孫朝輔妻

陳氏黃孔潔妻

鄧氏文俊雲妻

龍氏周承德妻

曾氏鄺祥鑰妻

蕭氏黃滿芳妻

厲氏萬光霖妻

胡氏監生蘇學禮妻

白氏唐興禮妻

黃氏胡生琥妻

李氏黃金任妻

鄺氏羅代基妻

鄺氏杜友松妻

劉氏唐宗惠妻

周氏蔣詩颯妻

李氏賀義選妻

雷氏賀堯璜妻

胡氏羅昌平妻

杜氏鄺兆錦妻

王氏劉彥榜妻

劉氏周紹宣妻

陳氏庠生王鼎妻

烈婦羅氏鄺士仰妻

蔣氏王士推妻

龍氏羅貴華妻

劉氏羅繼賢妻

按以上貞節烈婦女均載舊志生並省志未經請

旌同治四年由縣會詳具題奉

旨旌表

烈女陳氏陳士良女 夫名無考

臨武縣志

卷之三十四

續列女三十八

烈婦艾氏艾仲隆女 夫名無考

孝婦蘇氏蘇朝同女 夫名無考

節婦鄺氏王朝仰妻 陳氏鄺良驥妻

蔣氏王廷睿妻 杜氏石正道妻

鄺氏彭友權妻 陳氏鄺英義妻

按以上節孝烈婦女均明未人載舊志未經請

旌同治四年由縣會詳具題奉

旨旌表

續列女 新增

節婦鄺氏李榮楨妻河南鹿邑縣令鄺北楷女年二十八而寡遺孤四齡矢志靡他侍奉孀祖姑暨舅姑均得其歡心教子吐華成諸生苦節二十餘年
道光十九年

旌

王氏杜志伸妻貢生俊三母也事見舊志道光三十年

旌祀節孝祠

李氏增生杜齊李妻年二十八夫故家翁秀春性嚴

臨武縣志

卷之三十四

續列女三十九

肅姑鄺氏性肫摯氏一以禮奉一以情洽生則菽水承歡歿則殯葬竭力紡績課讀子歲貢龍驤孫廩生錦村目睹成立以次子龍光繼夫弟庠生齊房爲嗣用廣宗支洵爲孝慈兩盡數十載茹荼集蓼矢志彌堅道光二十七年即中杜學禮縷其苦節請於

朝道光三十年蒙

恩旌表計守節五十餘年享壽七十有八同治二年祀節孝祠

唐氏庠生傅汝梅妻八歲喪父十三歲遂工針紉二十
十一歸傅嫁衣奩具手自拊搗越八年而寡時翁
及繼姑在堂姑性嚴氏先意承志卒得其歡妯娌
中有無相通未嘗責所償雖積至三四百金弗計
也尤善於教子延聘名師仍不時督課子松年食
餼孫昌祉昌祺遊庠非徒隆師之報慈訓實與有
力焉生平習於勤勞年幾七十尚躬親女事以爲
家人先尤得敬姜之遺範云咸豐三年

旌

臨武縣志

卷之三十四

續列女四十

劉氏唐宗惠妻二十四歲夫故翁姑以慟子故日病
弱子尅賢四歲祖炳二歲家計窘甚氏歛泣吞聲
事老撫孤備膺艱瘁歷四十餘年如一日孫景臬
官湖北時自行狀咸豐十一年湖北巡撫 胡林
翼奏請

旌表許之

封恭人

按以上諸傳均同治四年以前

旌

貞女唐氏幼字羅昌爵十六歲爵故過門守貞歷二

十九年卒

節婦陳氏東隅王輝堂妻少寡家貧紡績操作上供菽水下資鞠育以苦節著

杜氏王攀桂妻少寡茹苦安貧及孝事舅姑殯葬盡禮撫孤子秀江歸營以千總用里黨賢之

楊氏黃良秀妻順而健秀操藝旆食氏力事舅姑形神勞瘁年二十一而寡遺一子一女矢志苦守卓有懿範

尹氏鑾四都周祚經妻年二十八夫故時翁姑在堂

臨武縣志

卷之三十四

續列女四十一

遺孤二僅能食屢屢相依者惟氏耳氏謂家即貧女紅可謀生子雖幼育之可成人獨不可以不孝遺吾夫地下憂生事塋祭具如禮年八十五卒人咸稱節孝云

石氏南隅曾毓粹妻少寡撫孤成立種蔬自度奉膳老翁必求甘旨娶媳旋天遺孫繼鎮賴其鞠育以貢成均

鄧氏鑾三里邱教福妻年二十四夫故家極貧卒能守志撫孤侍奉老姑以孝聞

吳氏鑾四都黃滿輝妻年十九于歸歲餘夫故遺腹生子堂盛翁姑且老氏拭淚承歡養送具如禮子長延師課讀不吝脯修無何娶媳生孫而子盛夭氏率媳撫孫終身貞靜專壹為巾幗中式

曹氏黃周琬妻年二十二而寡僅遺一女泣勸姑爲翁娶妾冀延翁祚果生子姑日瞽氏侍奉二十餘年無懈志撫姪承祧孫枝林立七十一而卒

郭氏蔣玉潔妻年二十五夫故潔事母孝氏撫遺腹子奉姑克承夫志并以孝聞

臨武縣志

卷之三十四 續列女四十二

蕭氏鑾四都黃滿鶴妻年二十一夫故遺孤堂炳方九月且病孀姑痛甚氏曲意承歡夜禱夫靈曰此呱呱者不育姑及未亡人無生爲矣炳疾愈撫之成立生孫六人沒年五十一歲

曹氏鑾二都蔣鋒妻年二十六夫故善事翁姑娣姒間和好無間言課子經芳成立

陳氏南隅六甲庠生曾傳楨妻楨力學咯血早卒氏僅生一女含辛茹苦矢志靡他事舅姑處妯娌悉如禮撫子繼焜爲嗣貢成均

鄧氏譚孔禮妻年二十三于歸越兩載翁姑並沒夫以哀毀亡遺孤甫四月氏經營三喪勤苦持家內外井然教子振聲有方

蔣氏貢生王忠恩妻庠生蔣經賢女年二十九夫故氏慟欲殉姑泣勸之曰我老爾子尚幼爾死其何以慰若夫於地下乃止飲水茹藥勤儉持家歷六十餘年現年九十五歲

鄺氏王孝原妻庠生鄺兆桓女生子安定甫三歲而劉氏孝原妻均年未滿三十克繼姑蔣氏志以節

臨武縣志

卷之三十四

續列女四十三

孝著

胡氏鄺凝嶽妻年二十四而寡時翁老善病兒女幼穉仰事俯畜皆從紡績來越十餘年翁故遺孤亦天氏初慟甚繼若安之者親族勸其承祀氏曰事不宜緩亦不宜急空匱入門恐生異志俟積有薄產俾得藉手成家則繼承可垂以遠也現年五十有五勤儉持家足不踰閭惟屆翁姑及夫生歿之辰集姪輩團祭寒食躬親掃墓厥後親族爲之承

嗣

周氏鑾二都郭孟琳妻年二十九琳故以舅老子幼
不忍去養送盡禮教其子成立尤能以母道兼父
道焉

鄺氏周鳴岡妻奉翁姑克盡婦道教子有方守節三
十餘年

雷氏鄺詩炳妻年二十而寡撫子承祧勤苦持家咸
稱其賢

鄧氏譚孔詩妻年二十四而寡時翁姑俱亡遺孤甫
週歲氏藉紡績撫子永馨成立

臨武縣志

卷之三十四

續列女四十四

郭氏邱教詳妻年二十四而寡子方週歲病目叔勸
改適氏泣拒之誓死靡他撫子生孫年八十餘

唐氏鄺嵩年妻年二十八夫故遺腹生子耀焜堅貞
自矢課子成立

李氏文化鄉監生鄧獻秀妻年二十九夫故誓守栢
舟戚黨咸欽敬之家故饒氏勤儉持家如寒素然
壽八十有六子孫林立

王氏庠生鄺祥壽妻佐夫勤讀有聲庠序二十九歲
夫故慎守深閨雖至戚不道一語擇夫兄子承祧

勗之曰繼在繼志能守遺經光世業者爲賢非僅
綿血食計也以母道兼父道教養並殷至周急濟
貧解推不吝則又能自惜其福以福後裔年六十
二終迄今孫枝蕃衍接武衣冠皆王氏之餘蔭云
劉氏杜向能妻年二十九歲夫故撫孤成立苦志四
十三年孫輔廷太學生

郭氏鑾中里邱聖玖妻少寡教子有方

曾氏陳能楷妻貢生曾傳祝女年二十二適陳甫二
月夫故氏慟不欲生獨居一室雖至戚罕見其面

臨武縣志

卷之三十四

續列女四十五

哀毀骨立終夫喪而七

唐氏曾作舟妻少寡守節四十七年

按以上貞節諸傳均同治四年

旌

節婦李氏曾衍璧妻年二十七守節歷四十三年卒

陳氏蔣元愷妻年二十二守節歷二十八年卒

楊氏李本珠妻年二十八守節歷二十七年卒

唐氏馬家俊妻年二十四守節歷六十七年卒

羅氏李楨相妻年二十四守節歷十九年卒

李氏曾與旦妻年二十九守節歷三十九年卒

郭氏蔣書李妻年二十五守節歷四十一年卒

鄧氏曾衍湘妻年二十九守節歷三十九年卒

劉氏陳秀苗妻年二十五守節歷三十一年卒

唐氏鄺兆炎妻年二十九守節歷四十四年卒

鄺氏胡賢心妻年二十六守節歷五十年卒

陳氏王輝滿妻年二十九守節歷十九年卒

胡氏曾傳綬妻年二十八守節歷五十年卒

鄧氏鄺聯藻妻年二十七守節歷二十七年卒

臨武縣志

卷之三十四

續列女四十六

張氏鄒榮楨妻年二十四守節歷五十四年卒

曾氏艾本標妻年二十九守節歷四十三年卒

王氏胡才忠妻年二十八守節歷四十八年卒

駱氏曾傳謹妻年二十一守節歷五十年卒

黃氏駱宗梓妻年二十一守節歷十五年卒

鄺氏劉章世妻年二十四守節歷五十三年卒

唐氏李賢必妻年二十五守節歷四十三年卒

黃氏陳藍送妻年十八守節計四十六年

何氏黃孔晰妻年十九守節計五十一年

陳氏曾繼組妻年二十一守節計四十七年
蔣氏王善煒妻年二十二守節計四十二年
王氏鄭凝神妻年二十四守節計三十九年
何氏周延英妻年二十四守節計四十二年
唐氏陳賢相妻年二十二守節計二十九年
劉氏郭事韓妻年二十四守節計五十七年
郭氏邱聖清妻年二十八守節計三十八年
王氏胡應楷妻年二十八守節計三十年
王氏庠生蔣大琳妻年二十九守節計三十四年

臨武縣志

卷之三十四

續列女 七

郭氏何賢祿妻年二十三守節計三十四年
陳氏劉先仁妻年二十八守節計四十九年
胡氏錢富崙妻年二十九守節計二十三年
黃氏艾思睿妻年二十八守節計三十一年
王氏蔣道杏妻年二十三守節計四十四年
黃氏周祿崧妻年二十八守節計二十七年
劉氏周祿崙妻年二十五守節計三十四年
鄧氏邱教福妻年二十一守節計三十五年
黃氏陳土慶妻年二十九守節計二十八年

鄧氏邱亨緯妻年二十四守節計六十二年

盧氏王明清妻年二十二守節計三十二年

鄧氏邱開梅妻年二十守節計三十三年

李氏庠生郭飛熊妻年二十九守節四十七年

王氏郭事亨妻年二十三守節計五十一年

朱氏唐三祝妻年二十九守節計三十一年

鄺氏胡生企妻年二十四守節計二十七年

唐氏蔣作祥妻年二十五守節計三十五年

駱氏夏清和妻年二十八守節計二十九年

臨武縣志

卷三十四

續列女四十八

黃氏郭孟瑛妻年二十八守節計三十年

王氏蔣述奧妻年二十守節計三十一年

郭氏蔣詩樽妻年二十九守節計四十四年

王氏龍俊富妻年二十九守節計三十一年

黃氏周承棟妻年二十六守節計五十九年

周氏龍永貞妻年二十九守節計二十一年

陳氏杜朝清妻年二十九守節計二十一年

王氏吳榮御妻年二十八守節計二十五年

李氏唐元吉妻年二十七守節四十三年

段氏李貴文妻年二十七守節計四十九年

唐氏陳英鵬妻年二十八守節計四十七年

鄺氏鄧大綱妻年二十九守節計四十五年

譚氏周祚迎妻年二十八守節計三十九年

劉氏郭業汪妻年二十二守節計三十六年

黃氏周祚璘妻年二十五守節計二十八年

陳氏李本璞妻年二十六守節計四十一年

吳氏郭紹周妻年二十三守節計四十七年

駱氏黃孔仁妻年二十五守節計三十三年

臨武縣志

卷之三十四

續列女四十九

周氏陳廷機妻年二十六守節計二十九年

蕭氏黃堂杰妻年二十七守節計三十年

鄺氏李高仰妻年二十八守節四十五年

劉氏周肇瑚妻年二十五守節計三十六年

杜氏鄺凝禮妻年二十九守節計二十五年

周氏李本當妻年二十五守節計四十年

吳氏周肇村妻年二十八守節計三十二年

按以上節婦均年少守志備嘗艱苦歷久不易其

操戚族里黨翕然稱賢其已故者書卒別之

又按以上節婦均於同治四年奉

青旌表其績詳貞節列後

貞女杜氏杜宗說女幼字李姓未嫁而李婿故氏矢志在閨守貞年六十五而卒

貞女朱氏朱文雲女幼字黃周位未合壺而位故時氏年甫十八矢志守貞撫姪鳳池成名克承夫祀貞女羅氏東隅羅某女幼字上舟境黃朝佑未嫁而朝佑故氏過門守貞獨居一樓歷六十餘年卒年八十歲

臨武縣志

卷之三十四

續列女五十

節婦夏氏譚運綸妻年二十二夫故無子惟孀姑存氏脩歷艱苦藉針黹賃舂以事姑有勸改醮者泣曰媳去姑將誰奉及姑死仍守志撫姪承祀

吳氏鑿四都黃良楷妻年二十二夫故家壁立人勸改醮泣曰貧而節良苦然性甘之改事富人拙弗能也且姑老二子幼去將誰依居常以布易粟歲歉難兼飽氏獨忍饑事畜訓其子成立卒年四十四不獲食子之食也

黃氏駱光弼妻少寡翁姑以家貧勸改適誓不從耐

苦守志四十餘年

王氏平田鄉雷

妻年二十八而寡守志不二姑

沒夫弟僅週歲翁舌耕在外恒不歸氏撫養成立
里人交譽之

周氏平田鄉龍永貞妻年二十三歸龍夫幼染羸疾
氏朝夕調護者六年夫亡無子誓志守節撫夫兄
子承祧教子成人侍奉翁姑亦以孝稱

艾氏平田鄉雷時均妻年二十二歸雷甫四月夫故
父母憐之勸改適氏以祖姑老夫未承嗣盡心侍

臨武縣志

卷之三十四

續列女五十一

奉誓死靡他撫房姪承祧恩勤教育卒以成立

唐氏傅萬家妻年二十于歸二十六孀居飲水茹荼
艱苦萬狀姑老子幼矢志靡他壽至七十子孫皆
成立

氏金三鄉唐宗枝妻年十七歸枝越十載夫故遺
孤九歲氏茹苦含辛事老撫幼脩極勤劬守節歷
四十餘年

劉氏杜潤湘妻年二十九夫故遺三子均幼侍奉翁
姑克盡婦職課子世澤榮軒成諸生年九十五以

苦節終

唐氏文化鄉曾昭業妻年二十夫故勤儉持家克守故業課子讀書惜未成名至孫秀湘弱冠入庠於今曾立材立人以為唐氏懿德所致云

周氏庠生黃慶魁妻賦性淑貞動嫻禮法夫故時年二十二翁姑俱歿獨子喜芹在抱矢志守節足不踰外閭子能言教之讀篝燈夜課紡聲與書聲相應族里賢之

羅氏平田鄉黃錦鎮妻二十六歲而寡矢志撫孤紡

臨武縣志

卷之三十四

續列女五十二

績營生至採野藿充饑不易其操

王氏文化鄉鄧大仰妻年二十六而孀居志矢冰霜言笑不苟撫孤成立儉約以持家願養天年六旬睹三代蘭桂騰芳人咸稱為懿德所致

羅氏杜向暄妻年二十四而寡翁姑早逝家無斗筲勤苦自持以奉夫祀至老不衰

雷氏金三鄉蕭昌松妻年二十五而夫故氏紡績自度撫二子萬斫萬炤成立守節六十餘年現年九

十有二

程氏金三鄉唐祖棅妻少寡時孤子存誠甫五齡氏
勤苦撫育俾得成立其媳黃氏年十七歸誠十載
而寡呱呱在抱黃氏哀慘骨立奉孀姑撫幼子孝
慈兼盡咸稱雙節云

鄺氏岸生唐繼白妻年二十一夫故遺孤仁柱甫四
月鞠育成立未幾柱復斃於賊氏携媳苦撫孤孫
咸以節著

黃氏羅昌賓妻年二十而寡遺腹生子紹藻教育入
庠藻故媳亦守節氏率媳撫孫完娶成家

臨武縣志

卷之三十四

續列女五十三

王氏金三鄉黃順杞妻年二十一夫故冰霜自勵撫
子世焜承夫祀守節三十餘年

黃氏鄺凝英妻年二十三英故家貧守志撫姪希章
承祧

鄺氏陳世蘭妻年二十三夫故撫姪代官承祧守節
五十餘年卒

唐氏黃周珪妻年二十四歲而珪故苦志守節二十
餘年

屠氏鄺詩瑚妻年十九夫故事姑育子堅貞不渝苦

節六十載壽八十九歲終

陳氏羅鏊昌妻年二十九夫故貞靜自守撫孤成家
守節計四十八年

雷氏羅玉峰妻年二十九夫故勤儉艱苦育子成立
守節計二十三年

劉氏李世珍妻少寡遺二子尚幼氏堅貞自矢教孤
成立

蔣氏王宜芬妻年二十五守節歷五十八年

雷氏李耀宗妻年二十二守節歷七十年

臨武縣志

卷之三十四

續列女五十四

鄧氏李耀日妻年二十八守節歷五十七年

陶氏蘇國珍妻年十九守節計三十一年

邱氏陳俊到妻年二十歲守節計三十七年

鄭氏曾昭頌妻年二十九守節計三十八年

駱氏羅一高妻年二十八守節計二十八年

李氏曹名校妻年二十一守節計三十六年

黃氏雷忠俠妻年二十守節計三十五年

劉氏羅繼賢妻年二十四守節計五十年

吳氏劉玉書妻年二十三守節計二十七年

廖氏周肇仲妻年二十守節計三十二年

陳氏駱泰陽妻年二十守節計二十一年

羅氏劉居先妻年二十二守節計二十八年

按以上續詳節婦均於三十歲以前守節矢志

靡他以苦節著

孝婦

曹氏黃周珪妻夫故舅亦早亡繼姑老而善病坐臥

渤溲惟氏是賴者數十年姑臨終慰曰汝如此孝

厥後必昌教孫兩霖成諸生迄今曾元林立

臨武縣志

卷之三十四

續列女五十五

成氏監生黃鶴齡妻勤儉慈和居恒寡笑言事姑廬

氏善得其歡心盧病風呻吟牀褥者十六年氏侍

藥湯調飲食未嘗稍倦遠近稱其孝

續烈女

烈女王氏王開送女年十六歲咸豐八年粵匪驟至女不

及避匿樓間賊登樓女即升屋以瓦擊賊罵不絕

口躍入樓前塘水死

烈女唐氏唐蓮溪女年十五歲咸豐九年粵匪過境逼之

氏死拒斷腕剖腹死

按以上烈女同治四年

旌

烈婦唐氏柳州人蕭明庭妻年甫十六咸豐九年髮賊入境氏恰回母家途遇賊攫之去急躍入塘賊倒拽之氏罵賊不屈被刺喉死

黃氏成煌德妻咸豐九年髮逆過境煌被掠氏號哭數里賊刃煌氏遷奪刃傷賊賊忿并殺氏

陳氏駱光閻妻孀居已二十載咸豐九年粵賊過境被掠抗罵不從賊碎割而死

周氏李盛五妻年二十六歲夫故守節三十六年咸

臨武縣志

卷之三十四

續列女五十六

豐九年髮逆過境遇賊不屈被戕極慘

厲氏李宗彬妻即前列婦周氏之媳年二十四懷孕

將見姑周氏遇害氏抱屍痛哭罵賊不屈剖腹死

胡氏陳善彰妻彰家貧應募從戎氏紡績養姑咸豐九年粵匪入境被逼不屈觸石死

周氏羅福書妻咸豐九年粵匪過境福書赴牛市禦賊氏聞夫陣亡即躍水死

傅氏唐宗鏡妻

胡氏陳祁賢妻

周氏羅昌英妻

李氏黃和上妻

唐氏傳有光妻均於咸豐九年粵匪過境被逼不死

按以上烈婦均於同治四年 旌表其續詳

者列後

烈女鍾氏甫及笄咸豐年間聞寇至匿山中賊搜得

之女不受辱罵賊死

雷氏閨名水蓮咸豐年間賊至村女恐見辱自投水

死

臨武縣志

卷之三十四

續列女五十七

烈婦曹氏盧克和妻咸豐九年賊由村過氏避往山

中途遇賊欲污之不從被殺

曹氏蔣述衣妻咸豐九年賊匪入村氏恐見辱抱幼

女投水死

邱氏蔣作盛妻駱氏黃靈的妻均於咸豐九年被賊

強不屈死